

7bis

FR. ALEXANDRI DE BVIRGO

MESSANENSIS

*Ordinis Min: Conuentualium
Theologi,*

E T

IN ROMANO ARCHIGYMNASIO

Publici Eloquentiæ Professoris.

I N F V N E R E

LEONIS DECIMI

O R A T I O A L T E R A .

Ad Eñum , & Rñum D.

D. IOANNEM BAPTISTAM

S P I N V L A

S. R. E. Presbyterum Cardinalem Camerarium .



ROMÆ , Typis Reu. Cameræ Apost. M. DCCXI.

SVPERIORVM PERMISSV .

CONFIDENTIAL

SECRET

CONFIDENTIAL

CONFIDENTIAL

CONFIDENTIAL

CONFIDENTIAL

CONFIDENTIAL

CONFIDENTIAL

Enno, ac Ruño Domino

D. IOANNI BAPTISTÆ
S P I N V L Æ

S. R. E. Presbytero Cardinali Camerario.

Fr. Alexander Burgos Felicitatem.



*X quo mihi singulari
optimi Pontificis CLE-
MENTIS XI. benefi-
centiâ, tuâque potissi-
mum operâ Cardinalis
Amplissime, per honorificum munus
publicè profitendi Eloquentiam in
Romano Archigymnasio sit demanda-
tum, nihil profectò antiquius in votis
habui, quàm accepti beneficij me-
morem animum aliquo obsequij, &
officij genere declararem. Quam-
obrem, quum dissertatione de usu, &
necessitate Eloquentiæ anno superio-
re in lucem edita, primitias studio.*

A 2 rum

*rum meorum Patri Sanctissimo, ac
beneficentissimo, ut par erat, obtule-
rim; hanc modò orationem, quam nu-
per in funere Leonis X. P.M. in Ro-
mano Lycæo, de more habui, tuo nomi-
ni inscriptam typis mandare decreui,
ut perpetuum obseruantia erga Te
meæ argumentum esset, & pignus.
Quo sanè munusculo, & si pro acceptis
à te beneficijs gratiam referre tan-
tam nequeo, quantam vellem, habeo
tamen Tibi, quantam maximam pro
viribus possum. Etenim eadem ego vo-
ce, qua nomine eorum, qui Romana in
Academia literas profitentur, Leo-
ni X. Bonarum Artium Instauratori
gratias ago; eadem, inquam, voce
Tibi, Princeps Eminentissime, mi-
tioris, grauiorisque literaturæ Pa-
trono, ac Vindici gratæ meæ volun-
tatis statuo monumentum.*

IN FUNERE
LEONIS DECIMI
Pontificis Maximi.

ORATIO.



Instituendi mihi alteram hoc anno in funere Leonis X. Pontificis Optimi orationem habere, timor iniectus est maximus, PP. Illustrissimi, ne ego, qui semel impares huic amplissimo argumento vires meas expertus fueram; nunc equidem, aut muneris meo penitus deessem, aut saltem longè maiorem, atque antea, renouato dicendi periculo, experirer difficultatem. Verùm rem aliter se habere, ac ego cogitaram, statim animaduerti, vbi primum ad huiusmodi laudationem, & perficiendam ingenio, & elaborandam industria adieci mentem, atque manus admoui. Tantum enim abfuit, vt quasi ab effœta, atque dudum ab alijs occupata laudandi materia me destitutum aliquo pacto sentirem; vt potius noua, ac propemodum infinita, & rerum mihi, & verborum copia sub manibus cresceret: quæ quidem ingenium meum sterile illud ac perexiguum mira felicique

ubertate fecundaret. Nam cui vixquam dicenti de Leone X. Pontifice omni ex parte Maximo, qui præstantissimarum virtutum laude, rerumque gestarum gloria supra ceteros eminuit, laudis argumentum deesse poterat, præsertim quum dicendum foret, hac in Vrbe reliquarum Domina Urbium, in hoc amplissimo loco, inter hosce parietes ornatissimos, hic inquam, vbi quodcunque oculos vertere contingat, in noua semper argumenta laudandi Pontificem illum, qui & huius celeberrimi loci Instaurator, & bonarum Artium Stator, Vindex, Parenisque amantissimus fuit, vel nolentes offendere necesse sit? Quamobrem quum, vt videtis, difficilius sit huius laudationis exitum, quam principium inuenire; ne vltra limites ab huiusce temporis angustiis præstitutos mea hæc vage-
tur Oratio, id vnum in præsentia mihi sumo, vt, quum Oratione, quam anno superiore habui Leonem X., instaurato hoc gymnasio, maxima beneficia in bonas artes, Rempublicam, Religionem contulisse dixerim: dicam modò, maxima itidem beneficia Leoni X. ipsamet bonarum artium studia rependisse, paremque gratiam reddidisse. Quo quidem argumento, & muneri meo, & officio vestro erga Optimum Pontificem de hoc ornatissimo loco, de literis, de literatis hominibus benemerentissimo, censeo me, quantum quantum potero, satisfacturum.

Verùm, vt ea, quæ in toto orationis cursu à me dicenda sunt, vera esse p̄betis, quædam hîc in antec-

cessum posita, veluti nostræ huius laudationis bases, paulisper attendite. Optimus quisque veræ laudis audus appetensque gloriæ duo potissimum, Auditores, in omni opere sibi iudicat expetenda: vnum scilicet, vt honestissimam cum dignitate vitam, quamdiu inter mortales agit, felici honorum decursu ad metam, vsque traducat: alterum, vt postquam fato cesserit, vt mortis eius comes sit gloria, rerumque præclare gestarum memoria vigeat sempiterna. Quo fit, vt liberalis animus posteritati maximè seruiens commemorationem nominis sui non cum vitæ tempore existimet esse dimittendam, sed cum omni posteritate adæquandam. Quæ cum ita sint, quis non videt maximi beneficii loco resillas habendas esse, quæ certam expeditamque nobis viam muniunt ad illa duo, quæ modò dixi, quam citissimè consequenda? iam verò inter ea, quæ ad virtutem recta ducunt, vnde & beatè viuere, & diuturnitatem gloriæ assequi possumus, bonarum artium studia principem sibi locum vindicant Auditores. Illa siquidem, si qua est in rebus humanis tranquillitatis interioris vmbra, & vitæ felicitatem amatoribus suis conciliant, & ad summam honoris arcem gradum faciunt, & immortale decus in omnes nationes, quotquot scientias amant, fama rerum, ac nominis æternitate deriuant. Nouit igitur, nouit Ioannes Medices huiusmodi commoda, quæ in amatores literarum literæ ipsæ transfundunt. Quippe qui in Domo literarum amantissima liberaliter

educatus, atque magnifica illa Laurentij Patris voce excitatus fuerat. O vocem præclaram! O Vocem Viri Principis ne dum ætatis suæ, verùm etiam omnium ætatum multò sapientissimi! Laurentium enim dicere solitum accepimus nullum ex toto humanæ vitæ negotio opulentius, atque præstantius patrimonium liberis relinqui, quàm virtutis, & gloriæ, ab hac, inquam, paterna voce, ac domestico exemplo excitatus ingenuus adolescens ad bonas artes omnes amandas, fouendasque, quibus virtus omnis, & gloria comparatur, animum statim à pueritia indefinenter applicuit. Non ille opes, non principatus, non affluentiæ quæque fortunæ dona fluxa quidem, & instabilia, sed firmissimam literarum, bonarumque artium possessionem doctorum hominum contubernio penè cum lacte innutritus cum prima vitalis auræ particula, veluti hæreditatem adiuit. Quò factum est, Auditores, vt quemadmodum in cursu veteres Græci lampadem sequentibus tradere erant soliti, ita ab Avīs suis hoc ardentis, & rediuiuæ virtutis lumen Ioannes acciperet; acceptum verò fidelius ipse seruaret, augetetque luculentius tamquam auitæ patrimonium dignitatis. Felix sanè, ac beatissimus, qui benè, ac sapienter rebus suis consultum voluit, dum optimarum studijs disciplinarum, fidissimis nimirum, ac certissimis vitæ ducibus, arduum virtutis iter maturius arripuit. Enim verò his præsidij ad summam laudem, gloriamque contendit Ioannes Medices, & mul-

multa præclara quidem , atque insignia ex bonis artibus ad suum communemque attulit fructum ; & in aspectum , lucemque protulit optimum illud exemplum viris principibus ad imitandum . Nam ubi ratio hæc conformatioque doctrinæ ad naturam eximiam ; atque illustrem accessit, præclarum illud, ac singulare in optimo adolescente effecit, vt virili planè sapientia præfulgeret ; vt in Patrum Purpuratorum Senatam ; minor quinque & decem annis, quasi præcox quidem, sed benè maturum virtutis miraculum iurè merito adlegeretur ; vt tandem ad ardua quæque Christianæ Reipublicæ munia fortiter obeunda satis idoneus, & crederetur, & esset . Hæc , hæc bonarum artium studia, quæ mirificè coluit , præque ludis , ac voluptatibus adolescens optimus in delicijs habuit , & grauitatem consilij, & accerrimi iudicij acumen, & solertem quandam celeritatem , & prudentiam , rerumque vsum, & iustitiam , & pietatem , & religionem , virtutesque omnes eius in animo pepererunt , aluerunt ad maturitatem vsque ante canos perduxerunt . Hæc identidem bonarum artium studia secundis rebus ornamentum & decus , aduersis perfrugium ac solatium ipsi contulerunt: effeceruntque propterea, vt aduersæ, secundæque res statum aliquando, illius verò animum nunquam immutarint . Hæc denique , vt verbo omnia complectar, in Ioanne Medice Leonem X. Pontificem Maximum Optimumque effinxerunt , ac præmonstrarunt .

Leo

Leo verò Decimus, qui hisce artibus præeuntibus ad totius Christiani Orbis fasces euectus fuit, in summo illo honoris apice locatus, ad easdem artes curandas, fouendasque impensius, amantiùsque se contulit. Nunquam enim, quod est ingenui, magnique animi, æquabilitatem communis iuris præstantia dignitatis, aut fortunæ suæ pertransijt: tantumque abfuit, vt amor ille beneficis, ac liberalis erga bonas artes doctosque viros eius in animo in tanta honoris affluencia aliquando deferbuerit, vt valentiores inde vires acquisierit, ac longiùs latiùsque sese explicuerit. Et sanè non tulit villos ætas illa doctorum hominum secunda parens, aut virtutum fama clariores, aut sublimium disciplinarum laude præstantiores, aut eloquentiæ poëscosque ornamentis politiores, qui ab huius Pontificis caritate educti, lactati, in sinum recepti, optimoque in lumine collocati non fuerint. Longum nimis esset, Auditores, singula Doctorum Virorum nomina hîc recensere, quos Leo X. singulari sua, ac penè diuina beneficentia, aut largissimis præmijs ex Orci, vt ita dicam, & paupertatis faucibus eripuit; aut pinguioribus Sacerdotijs firmavit; aut summis honoribus, Romana etiam Purpura decorauit. Quare vnus hîc locus, vt de ceteris sileam, amplissimus scilicet huius Romanæ Sapientiæ campus tanta celebritate, tanto splendore omnis generis hominum literatorum nunquam certè antea luculentiùs floruisse visus fuit, atque Leonis

nis X. ætate . Illius siquidem ætate è Cimmerijs Gothi-
 thicisque tenebris ingenuarum artium studia in ele-
 gantiorē, melioremque lucem feliciter emerferunt .
 O verè auream literarum ætatem, ætatem Leonis X. !
 quæ cum Augusti ætate potiori lure contendat . Nam
 sicut Augusti ævo , ita Leonis X. tempore literarum
 fama claruisse summa laus fuit Doctorum Virorum ;
 quum non solum ea tempestate , sed omnibus postea
 consecutis temporibus simillima , & maximè gemina
 semper fuerit habita , & gloria Leonis X. , & gloria
 literarum . Sed quorsum , fortè requiritis , dulci ha-
 rum rerum commemoratione mea tendat oratio ?
 Accipite Auditores . Tot , ac tanta in literas , lite-
 ratosque Viros à Leone X. collata beneficia in bene-
 ficum ipsum largitorem vberius redundarunt . Nam
 florentissima illa ingenia , quæ munifici principis li-
 beralitas aluerat , singulari beneficio obstricta par pari
 referre studuerunt . Nemo vnus vnquam fuit bea-
 tissima illa ætate scriptor eruditus, qui lucubrationes
 suas in lucem emissas Leoni X. non inscripserit , qui-
 que magnum Leonis Nomen in Cælum summis lau-
 dibus non extulerit . Nullus fuit eruditorum homi-
 num labor, quā soluta, quā vincta oratione perfectus,
 in quo Leonis Nomen tamquam stellulis intertextum
 non promicuerit . Ibat, ibat per ora Doctorum homi-
 num Leonis X. Nomen celebratissimum . Fora ,
 Tempia, Theatra, Academix, scripta præsertim cele-
 briorum Auctorum per Orbem totum volitantia, nil
 nisi

nisi Leonem X. maximè personabant. Quæ cum ita sint, planè videtis, Auditores, quantam gloriæ segetem messuerit erga literas beneficis Pontifex. Ea verò tota quanta est ex bonarum artium fonte manauit. Sed hæc summæ laudis, & gloriæ seges (vt strictim, cursimque alteram huius laudationis partem ad finem properans mea percurrat Oratio) Hæc, inquam, gloriæ seges non cum Leonis vita solum vixit, non illius morte emarcuit: non post vltima illius fata extincta nominis prædicatio conticuit: non cæcæ obliuionis tenebris inuolutus contabuit tantarum splendor virtutum. Nam sicut mandata literis doctissimorum scriptorum monimenta, donec erunt homines, qui legent, victura sunt, nec illa vnquam tempus edax poterit, nec abolere vetustas; ità perpetuò victurus erit in ijs laudatissimus Pontifex cum iisdem nominis æternitatem consecutus. Qui enim fieri poterit, vt situ obsitæ, aut obliuione sepultæ, tot, tantisque literarum monumentis consignatæ illius vnquam iaceant pulcherrimæ virtutes? Enim verò Auditores, quotiès siue Historicorum, siue Oratorum, siue Poetarum, illius temporis scripta reuoluet, reuoluet autem sæpissimè, toties rediuuiam Leonis X. gloriam spectabit posteritas omnium seculorum. Spectabit, inquam, Leonem X. hic præclarè res humanas contemnentem optimè contra fortunam paratum, armatumque, exilij incommoda æquo animo sustinentem. Istinc verò eodem, quo captus ab hostibus,

bus, equo infidentem aspiciet, ac semper sui similem Romana hac in Vrbe in sui inauguratione Principatus modestè triumphantem. Hic spectabit dissidentes inter se Christianos Principes optimi Patris officio pacantem. Istinc verò aspiciet deformatam Romanæ Urbis faciem sacris, publicisque ædificijs renouantem. Hic Hæreseon monstra domantem spectabit. Istinc tandem pauperes caritatis vbere, bonas artes magnis propositis præmijs nutrientem aspiciet. Sed quid hic plura confector, ac colligo, vnum dicam, quod causæ meæ maximè seruire arbitror, Auditores; Leonem scilicet X. spectabit omnis ventura ætas communi omnium Literatorum plausu celebratum. Nec ferè quisquam reperietur præter hunc, qui laudes à Literatis Viris ampliores obtinebit vnquam: quippe qui ingenuas artes vnus omnium maximè fouit, ac erexit, dignus profectò erit, vt ab ijs pariter maximis in cælum laudibus extollatur. Ità est; ità est, Leo Pontifex Beatissime, Tibi vni præcipuè obtigit, vt quod olim impensè optauerat Magnus ille Græciæ princeps Themistocles plenè consequeris. Vt nimirum vocem illam semper audires, qua tua virtus optimè prædicaretur. Vna enim vox est omnium doctorum hominum, quæ te beneficentiamque tuam erga literarum studia ad memoriam posterorum omnium commendabit. Hanc verò ipsam, eandemque vocem grati animi, memorisque beneficij testem, quotannis ingeminat, statâ hac die Illustri-

strissimorum PP. decreto , solemnique religione consecrata , in hoc amplissimo totius Christiani Orbis Theatro Romana Academia, quæ te Statoris, Vindicis, Parentis nomine & obseruat & colit & diligit . Accipe ergo , felix anima , pro collatis in nos beneficijs à gratissimis bonarum artium studijs hoc ære perennius anniuersariæ laudationis monimentum . Ex hoc discant Viri Principes quantum sibi ipsis præsidium comparaturi sint , & ad cursum vitæ huius feliciter traducendum , & ad nominis immortalitatem post mortem consequendam , si optimas , ingenuasque artes , atque Viros literarum laude præstantes amare , fouere , ac præ alijs ferre summa voluntate studuerint .

D I X I .